

ATA MAS PA BO SA MAS

Fotos/texto: Jan Poets

DEN AMBIENTE



**** C-Zar Olarte a presenta e Top 40 di Dj Chando Colina na Cristal Fm..**


** Querido lectoran ricibi un cordial saludo y cu tur e bon deseonan pa e fin di siman aki. Actualmente mi ta na Colombia den gira cu Chichi Peralta y Son Familia. Ayera nochi Chichi Peralta y Son Familia a presenta na Barranquilla, awe nos ta na Cartagena y mayan e gira lo clausura na Santa Martha. Nos orguyo musico Hildward Croes ta formando parti di Chichi Peralta y Son Familia y ta pa e motibo aki tambe mi ta cubriendo e gira aki, pasobra unda cu nos artistanan ta destaca

riba tereno internacional..DEN AMBIENTE mester ta presente, pues keda pendiente pa e reportahe exclusivo aki..

** Awe e programa "Show di Poets" cuminsando for di 12'or di merdia lo ta enbibo for di Cartagena, Colombia. Pues un i tur ta keda cordialmente invita pa sintonisa Cristal Fm 101.7. Tambe for di Cartagena lo tuma e dos cifranan di ILDO's Lottery pa e sorteo di DIARIO di diadomingo. Siman pasa tabata tin un ganador pa e number 22. Durante e programa e ganador por reclama su premio di 500 florin cu ta cortesia di ILDO'S LOTTERY.

** Bala a cuminsa lora te skein hende. E campeonato mundial di futbol a trese un ambiente agradable pa Aruba. Hendenan cu no sa "nèt net nada" di futbol tambe kier bol cu e bala. Awe Hulanda lo enfrente Belgica, pues frontera contra frontera. Mi ta pronostica e wegá aki 2-1 na favor di Hulanda.

** Dj Chando Colina a bin cu un tremendo iniciativa pa un biaha pa luna duna oportunidad pa un artista local presenta su Top 40 di tur diadomingo atardi for di



**** Claudius Phillips y Reynaldo Suarez ta den full swing preparando e repertorio pa dia 20 di Juni den City One hunto cu The Three Voices y The Strangers..**

2'or. E prome artista cu ricibi e honor aki tabata Jose David, mientras cu siman pasa a toca e honor na C-Zar Olarte.

** Ayera e pareha farandulero Carlos Olarte y Lourdes Geerman a drenta den e boto matrimonial. Lourdes Geerman tabata manager di Carlos Olarte y nan a produci un sensacional CD. Ayera Lourdes a acepta pa ta e manager di Carlos Olarte pa bida eterno. DEN AMBIENTE ta desea e pareha farandulero aki un feliz bida matrimonial yena cu ambiente musical..

** Awe y mayan lo ta e ultimo dos funcionnan di e celebracion di Pierewietje y Flash. Nos ta spera cu e dos salanan di Cas di Cultura lo ta un yeno total. Tur dos funcion lo ta pa 4'or di atardi.

** Dialuna awor nos gran amigo y colega Victor Pietersz dinamico locutor ta bay recorda 25 aña den servicio di Voz di Aruba. Apesar cu Victor Pietersz a haya hopi ofertanan lucrativo for di e diferente radio emisoranan nobo riba e banda FM, toch Victor Pietersz a keda fiel cu Voz di Aruba riba e banda di AM. No tin duda cu dialuna awor gerencia y empleadonan di Voz di Aruba lo sa di duna Victor Pietersz su merecido valor..

** Claudius Phillips y su grupo OREO a viaha ayera

pa Curacao. Ayeranochi mes nan a presenta den Landhuis Briegengat hunto cu ERA, mientras awenochi nan lo ta den Facade celebrando e prome lustro di Gibi y Orquesta. Mayan diadomingo nan lo ta den nan tradicional Happy Our den City One, mientras cu diasabra otro siman dia 20 di Juni, nan lo ta den style di sixties, seventies, eighties

del Caribe y "The Strangers" na Militar Te Huis Kazerne. Un tremendo fiesta cu maestro Yubi Naar a sa di duna su bon comentario. Tabata intencion pa bin cu un reportahe fotografico, pero mala suerte a toca cu enbez e roll di filma a bay laba na Fuji, el a resulta cu el keda den e saco di carson y a bay laba den e wasmaschine. Mi dis-



**** Nos gran tumbero Juancho Kock y su querida esposa a cumpli 50 aña fielmente den e boto matrimonial..**

y nineties, hunto cu The Three Voices y The Strangers. E fiesta aki ta priminti di bay bira algo unico y inolvidable. Tin un bon oferta te dia 16 di Juni, unda e caarchinan ta pa solamente 25 florin. Por haya esakinan na Joey's Drive Inn y tambe na Galeria Moderna. Despues na porta e lo ta pa 35 florin.

** Diasabra ultimo mi tabata na e fiesta di Sensacion

culpa..

** Diaranson ultimo nos gran tumbero Juancho Kock a recorda 50 aña pasa cu el a bisa si na su querida señora dilanti altar. Pa e ocasion importante aki tabata tin un santo sacrificio na Misa Fatima na Dakota. Palabranan di PABIEN ta bay pa e feliz famia musical aki y cu nan lo ta uni pa hopi aña mas...



**** Victor Pietersz dialuna awor lo celebra 25 aña trahando fielmente cu Voz di Aruba..**